

Broj: 01-02-1098/21

Sarajevo, 15.07.2021. godine

Z A P I S N I K
22.REDOVNE SJEDNICE PREDSTAVNIČKOG DOMA PARLAMENTA FEDERACIJE
BIH, održane 26.05.2021. godine

Sjednica je počela u 10.24 u Hotelu Hills na Ilidži.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Belma Pojskić, Hajrudin Žilić, Boro Krišto i Alma Kratina.

Na osnovu evidencije Stručne službe, predsjedavajući je konstatirao da sjednici prisustvuje dovoljan broj zastupnika za kvalitetan rad i odlučivanje.

Prije početka rada, potrebno je izvršiti verifikaciju mandata Samili Zejčirović, te je u ime Mandatno-imunitetne komisije dodatno obrazloženje dala Dženana Hodžić. Jednoglasno je usvojen izvještaj Mandatno-imunitetne komisije, te je verificiran mandat Samili Zejčirović. Novoizabrana zastupnica dala je svečanu izjavu.

Mirsad Čamdžić pokrenuo je inicijativu kojom traži doniranje automobila Audi A4, čijeg se korištenja javno i službeno odrekao predsjedavajući ovog Doma, instituciji koja kao odgovor na poziv Predstavničkog doma dostavi najbolje obrazložen zahtjev, nije usvojen (19 za, šest glasova protiv i 42 uzdržana glasa).

Jednoglasno je usvojen zapisnik 19. redovne sjednice i zapisnik 11. vanredne sjednice Predstavničkog doma.

Zastupnička pitanja

Bajro Makić pokrenuo je inicijativu prema Vladi FBiH da izmjeni i dopuni Odluku o usvajanju programa utrošaka sredstava sa kriterijima raspodjele sredstva tekući transfer drugim nivoima vlasti i fondovima-transfer za sanaciju zdravstvenih ustanova u Federaciji BiH utvrđenih Budžetom za 2021. godinu, da se uvrste sredstva za Javnu ustanovu Bolnica za plućne bolesti i tuberkulozu Travnik u minimalnom iznosu od petstotina hiljada konvertibilnih maraka kao i domovima zdravlja na području Federacije.

Suad Kaknjo pokrenuo je inicijativu za izmjenu člana 24., stav 1. Zakona o porezu na dohodak.

Adin Huremović pitanje je uputio Udruženju poslodavaca FBiH – kada radnici mogu očekivati da minimalne plaće budu hiljadu konvertibilnih maraka.

Elma Đogić kazala je da je pripremila sedam pitanja koja će predati Službi a postavlja jedno pitanje i pokreće inicijativu.

Pitanje je uputila Federalnom ministarstvu zdravstva, obzirom da u skladu sa Zakonom, troškovi karantina padaju na teret Budžeta FBiH, pita - koliko je koštala uspostava istih na području FBiH te koliko je rješenja u određivanju prostora za uspostavu karantina donio federalni ministar zdravstva na području Federacije od početka pandemije. Traži podatke za svaki kanton pojedinačno.

Pokrenula je inicijativu prema Federalnom ministarstvu rada i socijalne politike za izradu prečišćenog teksta Zakona o osnovama socijalne zaštite, zaštite civilnih žrtava rata i zaštite porodice sa djecom.

Mirsad Pindžo pokrenuo je inicijativu prema Federalnom ministarstvu finansija, Federalnom

ministarstvu zdravstva i Vladi FBiH, a odnosi se na izmjenu Zakona o doprinosima. Uz inicijativu dostavlja mišljenje i preporuke Ombudsmana BiH na ovu temu.

Amer Obradović pokrenuo je inicijativu prema Federalnoj upravi za inspekcijske poslove, Federalnom ministarstvu prostornog uređenja, Zavodu za zaštitu spomenika koja se odnosi na implementaciju Odluke o izmjenama i dopunama Odluke o proglašenju Nekropole stećaka Radimlja kod Stoca Nacionalnim spomenikom BiH i izvršenju hitnog inspekcijskog nadzora i poduzimanja mjera zaštite. Inicijativom traži da nadležni organi Odluku o izmjenama i dopunama Odluke o proglašenju Nacionalnog spomenika upotpunosti implementiraju, posebno član 4.

Safer Demirović osvrnuo se na neka pitanja na koja nije dobio odgovore. Pokrenuo je inicijativu vezanu za izradu Strategije rudarstva u Federaciji BiH. Pitanje je uputio Vladi FBiH a vezano za mogućnost prestanka snabdijevanja prirodnim plinom potrošača u Federaciji BiH, te šta je uzrok tome i da li je Vlada FBiH poduzela aktivnosti prema odgovornima.

Damir Mašić u ime Kluba zastupnika SDP postavio je pitanje a ujedno i inicijativu, kojom traži od Federalne uprave za inspekcijske poslove da izvrši inspekcijski nadzor, vezano za validnost specijalizacije i doktorata direktorice KCUS, kako bi se utvrdilo činjenično stanje i javnost upoznala šta je istina od onoga šta se spominje u javnosti.

Jasmina Zubić kazala je da je na pisarnicu predala dva zaključka Gradskog vijeća Visoko kojim se upućuje inicijativa za izmjene odgovarajućeg propisa kako bi se omogućio volonterski staž nekim službama kao što su notari, advokati, knjigovođe, agencije. I inicijativa vezana za Zakon o izvršnom postupku kako bi se zaštitila prava djece za plaćanje po osnovu izdržavanja.

Pitanje upućuje Federalnom ministarstvu pravde – kada će se na dnevnom redu sjednice Predstavničkog doma naći Prijedlog Zakona o inspekcijama kojim se pri Federalnoj upravi za inspekcijske poslove formira inspektorat za socijalnu dječiju zaštitu.

Naredno pitanje uputila je Federalnom ministarstvu rada i socijalne politike – kada će biti dostavljen Vladi FBiH Prijedlog Zakona o dopunama Zakona o osnovama socijalne zaštite, zaštite civilnih žrtava rata i zaštite porodice sa djecom, u kojem se uvodi kategorizacija roditelja negovatelja.

Pitanje je postavila i rukovodstvu Doma naroda, kada će se na dnevnom redu naći Nacrt Zakona o zastupanju u osiguranju i posredovanju u osiguranju i reosiguranju koji je usvojen na 30. vanrednoj sjednici Predstavničkog doma.

Adis Arapović uputio je urgenciju vezanu za zaključak koji je usvojen na 20. redovnoj sjednici a vezan za dopunu postojeće Uredbe o uvjetima, načinu korištenja i nabavci službenih vozila u organima uprave FBiH, ili donese posebnu Uredbu ili Pravilnik o vizuelnom označavanju službenih vozila u organima uprave u Federaciji BiH, te uspostavi jedinstveni registar službenih vozila. Kao predlagač ovog zaključka traži hitno izjašnjenje Vlade o poduzetim aktivnostima na realizaciji ovog zaključka. Također, skreće Vladi pažnju na niz zaključaka koji su usvojeni a nisu realizirani. Komentirao je također odgovore koje je dobio na ovu temu.

Petar Galić pitanje je uputio Federalnom ministarstvu za pitanja boraca i invalida odbrambeno-oslobodilačkog rata, kojim traži da mu se dostavi popis svih korisnika transfera za pomoć u zapošljavanju putem boračkih udruženja i to od 2016., do danas.

Ivan Boban pokrenuo je inicijativu prema Vladi FBiH a vezana je za izradu Zakona o elektronskom servisu za grantove u Federaciji BiH.

Pitanje je uputio JP Ceste Federacije BiH a vezano je za sanaciju Tunela Crnaja na magistralnom putu M17, da li će se probiti rok izgradnje i ako hoće kada se očekuje finalizacija prve faze.

Albin Muslić pitanje je uputio Vladi FBiH a vezano za obustavu tranzitnog saobraćaja za kamione iznad 7,5 tona na graničnom prijelazu Velika Kladuša-Maljevac, te šta je Vlada FBiH poduzela prema Vladi RH kako bi se status graničnog prijelaza Velika Kladuša vratio u stanje

do 20.maja 2021. godine.

Mario Mikulić pitanje je uputio Federalnom ministarstvu poljoprivrede, vodoprivrede i šumarstva – na osnovu kojih kriterija i na koji način je Ministarstvo planiralo program utroška sredstava s kriterijima raspodjele sredstava subvencija privatnim preduzećima i poduzetnicima poticaj za poljoprivredu, utvrđenih budžetom Federacije za 2021. godinu u iznosi od 87 miliona KM. Šta resorno ministarstvo planira do kraja tekuće godine učiniti kako bi se biljna proizvodnja adekvatno prepoznala u programu utrošaka sredstava i kako bi se isti uskladili s budućim planiranjima za narednu godinu.

Dževad Adžem prvo pitanje uputio je Federalnom ministarstvu rada - da li je Zakon o PIO diskriminirajući i kada je u pitanju radni staž za policijske službenike koju u vrijeme penzionisanja nemaju svojstvo policijskog službenika.

Drugo pitanje uputio je rukovodstvu Predstavničkog doma vezano za to da rukovodstvo nije stavilo na izjašnjavanje njegove inicijative o centralizovanoj nabavci lijekova i inicijativu kojom bi Vlada FBiH podržala kovidom pogođenu oblast kulture.

Treće pitanje uputio je Vladi FBiH - koliko je usvojenih zastupničkih inicijativa i zaključaka realizirala Vlada i resorna ministarstva - Traži da mu se u odgovoru dostave sve inicijative i zaključci u periodu od 2019. do 2021. godine i jasno obrazloženje o poduzetim mjerama na njihovom provođenju.

Adisa Kokić Hinović pokrenula je dvije inicijative, koje ponavlja, jer odgovorima nije zadovoljna. Prvu inicijativu upućuje prema Federalnom ministarstvu prometa i komunikacija kojom traži da se poduzmu aktivnosti na potpisivanju sporazuma između Federalnog ministarstva prometa i komunikacija i Ministarstva saobraćaja i veza RS s ciljem ujednačenog oslobađanja plaćanja cestarina na autocestama, brzim cestama i objektima naplate u Federaciji i RS za invalidna lica te izbjegne podnošenje istog zahtjeva u oba entiteta BiH.

Narednu inicijativu pokrenula je prema Federalnom ministarstvu zdravstva, kojom traži da se lijek za liječenje hemofilije, hemlibra uvrsti u Odluku o listi lijekova Fonda solidarnosti Federacije BiH i to u sadržaj liste lijekova u bolničkoj zdravstvenoj zaštiti koji se mogu koristiti na teret sredstava Fonda solidarnosti Federacije BiH.

Elzina Pirić komentirala je odnos prema njoj kao zastupnici od strane rukovodstva Rudnika mrkog uglja Banovići te je kazala da je zaprimila poziv da se pojavi na disciplinskoj komisiji Rudnika. Pitanje je uputila vezano za požar koji je ponovo izbio u Rudniku mrkog uglja Banovići, te pita resorne ministre da li su s tim upoznati, traži reakciju i inspeksijske naloge koje je tražila na prošloj sjednici, te joj nije odgovoreno. Također, traži da se javno oglase i ograde od institucionalnog napada na poslanike.

Nijaz Helez ponavlja pitanje na koje nije dobio odgovor a vezano je za lijekove koje pacijenti plaćaju u jednom dijelu države a u drugom im se to refundira, te traži od premijera da to regulira, te traži da se u vidu inicijative to ponovo uputi nadležnim, te ako ne bude pozitivnog odgovora, traži će izjašnjenje zastupnika.

Pitanje upućuje federalnom ministru energetike, rudarstva i industrije a vezano je za preduzeće Binas d.o.o. Bugojno i to da radnici nisu nekoliko mjeseci primili plaću.

Kenela Zuko pokrenula je inicijativu vezanu za izmjene i dopune Zakona o inspekcijama, zašto su se povukle ove izmjene i dopune.

Također komentirala je odgovor koji je dobila od Federalnog ministarstva obrazovanja i nauke a vezano je za ulogu Ministarstva u procesu koordinacije vezanih za usklađenost nastavnih planova i programa za osnovno i srednje obrazovanje u FBiH.

Nedžad Šečić izrazio je nezadovoljstvo kada je u pitanju ažurnost od strane Vlade FBiH i ministarstva, vezano za dostavljanje odgovora Klubu nezavisnih zastupnika, te kazao da o određenim inicijativama i prijedlozima zakona, koje Klub predlaže nisu dobili odgovor.

Pitanje je uputio Federalnom ministarstvu zdravstva i Federalnom zavodu za javno zdravstvo- na koji način i po kojim kriterijima se vrši raspodjela po kantonima vakcina za borbu protiv Covid 19.

Prešlo se na izmjene i dopune dnevnog reda. U raspravi o dnevnom redu učestvovali su: Nihad Čolpa, Jasmina Zubić, Damir Mašić, Samer Rešidat, Mira Grgić, Husein Rošić, Mirsad Čamdžić, Amela Kuskunović i Asim Kamber.

Pauza 15 minuta

Nakon pauze prešlo se na utvrđivanje dnevnog reda.

Zastupnica Amela Kuskunović povukla sa dnevnog reda sjednice Prijedlog Zakona o izmjenama i dopunama Zakona o zdravstvenoj zaštiti Federacije BiH – skraćeni postupak, čija je predlagateljica, obrazlažući to jednoglasno usvojenim zaključkom na Odboru za zdravstvo, kojim se traži od Vlade i resornog ministarstva temeljne izmjene i donošenje novog Zakona o zdravstvenoj zaštiti i Zakona o zdravstvenom osiguranju FBiH.

Prijedlog da se u dnevni red uvrsti Prijedlog Odluke o prihvatanju zaduženja po Sporazumu o finansiranju između BiH i Međunarodnog fonda za poljoprivredni razvoj za realizaciju Projekta Razvoj ruralnih preduzeća i poljoprivrede, usvojen je sa 55 glasova za, bez glasova protiv i uz dva uzdržana glasa.

Prijedlog Vlade FBiH da se u dnevni red uvrsti Prijedlog Zakona o izmjenama Zakona o izvršavanju Budžeta FBiH za 2021. godinu – hitni postupak, usvojen je sa 52 glasa za, bez glasova protiv i uz 16 uzdržanih glasova.

Prijedlog Vlade FBiH da se u dnevni red uvrsti Prijedlog Zakona o izmjenama Zakona o visini stope zatezne kamate na javne prihode – skraćeni postupak, usvojen je sa 53 glasa za, bez glasova protiv i uz šest uzdržanih glasova.

Prijedlog Vlade FBiH da se u dnevni red uvrsti Prijedlog Zakona o izmjenama Zakona o poljoprivredi – skraćeni postupak, usvojen je sa 57 glasova za, bez glasova protiv i uz jedan uzdržani glas.

Prijedlog Zaključka Nihada Čolpe vezano za zatvaranje dijela graničnih prijelaza prema Republici Hrvatskoj usvojen je sa 60 glasova za, bez glasova protiv i bez uzdržanih glasova.

Prijedlog Zaključka Jasmine Zubić vezano za dostavljanje od strane Vlade FBiH u parlamentarnu proceduru Prijedloga Zakona o izmjenama i dopunama Zakona o zdravstvenoj zaštiti FBiH, na osnovu pojedinačnog izjašnjenja usvojen je, sa 53 glasa za, jednim glasom protiv i uz 24 uzdržana glasa.

Damir Mašić predložio je da se sa dnevnog reda povuku tačke od 6. do 11. Vlada FBiH prihvatila je da se sa sjednice povuče set zakona (Prijedlog zakona o izmjenama i dopunama Zakona o notarima, Prijedlog Zakona o izmjenama Zakona o nasljeđivanju, Prijedlog Zakona o izmjeni Porodičnog zakona, Prijedlog Zakona o izmjenama Zakona o registraciji poslovnih subjekata, Prijedlog Zakona o stvarnim pravima, Prijedlog Zakona o izmjeni Zakona o zemljišnim knjigama), te su zakoni povučeni sa današnje sjednice.

Damir Mašić predložio je uvrštavanje u dnevni red Rezolucije o osudi fizičkog i verbalnog nasilja i zastrašivanja novinara i nezavisnih intelektualaca, a koji nije usvojen (34 za, jedan protiv i 37 uzdržanih glasova).

Mira Grgić predložila je da se sa dnevnog reda povuče tačka Nacrt Zakona o ustanovama socijalne zaštite a što nije usvojeno (16 za, bez glasova protiv i 46 uzdržanih glasova).

Prijedlog Vlade FBiH da se Prijedlog Zakona o izmjenama Zakona o izvršavanju Budžeta FBiH za 2021. godinu razmatra po hitnom postupku, usvojen je sa 52 glasa za, bez glasova protiv i 23 uzdržana glasa.

Sa 72 glasa za, dva glasa protiv i uz dva uzdržana glasa, usvojen je sljedeći:

D N E V N I R E D

1. Informacija Vlade Federacije BiH o epidemiološkoj situaciji - COVID - 19 u FBiH s prijedlogom naredbi i preporuka Kriznog štaba Federalnog ministarstva zdravstva,
2. Prijedlog Zakona o izmjenama Zakona o izvršavanju Budžeta FBiH za 2021. godinu - hitni postupak,
3. Prijedlog Zakona o izmjenama Zakona o visini stope zatezne kamate na javne prihode - skraćeni postupak,
4. Prijedlog Zakona o izmjenama Zakona o poljoprivredi - skraćeni postupak,
5. Prijedlog Zakona o izmjeni i dopuni Zakona o novčanim podrškama u poljoprivredi i ruralnom razvoju, predlagači Sanela Klarić i Vibor Handžić – skraćeni postupak
6. Prijedlog Zakona o kontroli i ograničenoj upotrebi duhana, duhanskih proizvoda i ostalih proizvoda za pušenje,
7. Nacrt Zakona o ustanovama socijalne zaštite Federacije BiH,
8. Prijedlog Odluke o prihvatanju zaduženja po Sporazumu o finansiranju između BiH i Medunarodnog fonda za poljoprivredni razvoj (IFAD) za realizaciju projekta razvoja ruralnih preduzeća i poljoprivrede,
9. Izvještaj o radu Federalnog zavoda za zapošljavanje za 2020. godinu,
10. Izvještaj o izvršenju Budžeta Federacije BiH za 2020. godinu,
11. Izvještaj Federalnog ministarstva prometa i komunikacija o realizaciji Strategije prometa Federacije BiH i provedbi Zakona o cestama u Federaciji BiH,
12. Informacija o vanjskom i unutrašnjem dugu u Federaciji BiH na dan 31.12.2020. godine,
13. Prijedlog Zaključka vezano za otvaranje ukinutih graničnih prijelaza prema RH, predlagač: Nihad Čolpa
14. Prijedlog Zaključka prema Vladi FBiH za dostavljanje u parlamentarnu proceduru Prijedloga Zakona o izmjenama i dopunama zakona o zdravstvenoj zaštiti Federacije BiH, predlagač: Jasmina Zubić
15. Izbori i imenovanja.

1. Informacija Vlade Federacije BiH o epidemiološkoj situaciji - COVID - 19 u FBiH s prijedlogom naredbi i preporuka Kriznog štaba Federalnog ministarstva zdravstva

Informaciju na dan 04.05.2021. i 17.05.2021. je dostavila Vlada FBiH.

Dodatno obrazloženje dale su Mia Blažević i Snježana Bodnaruk.

U raspravi su učestvovali: Tahir Nuhić, Damir Mašić, Mara Đukić, Husein Rošić, Nijaz Helez, Salko Zildžić, Kenela Zuko, Asim Kamber, Miomirka Melank, Amela Kuskunović, Dževad Adžem, Suad kaknjo, Irfan Čengić, Mia Blažević i Snježana Bodnaruk.

Predstavnički dom Parlamenta Federacije BiH primio je k znanju Informaciju Vlade Federacije BiH o epidemiološkoj situaciji - COVID - 19 u FBiH s prijedlogom naredbi i preporuka Kriznog štaba Federalnog ministarstva zdravstva.

Nijez Helez predložio je zaključak. Na osnovu pojedinačnog izjašnjavanja, sa 57 glasova za, bez glasova protiv i uz 17 uzdržanih glasova, usvojen je sljedeći:

Z A K L J U Č A K

Predstavnički dom Parlamenta FBiH predlaže Vladi FBiH da iz svoje rezerve ili sa drugih ekonomskih kodova uplati na račun Bolnice za plućne bolesti Travnik sredstva u iznosu od 500 000 KM. Bolnica za plućne bolesti Travnik je izostavljena iz

finansijske pomoći Vlade FBiH koja je uplatila sredstva ostalim bolnicama na području Federacije BiH.

2. Prijedlog Zakona o izmjenama Zakona o izvršavanju Budžeta FBiH za 2021. godinu - hitni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH obrazloženje je dala Jelka Milićević.

U raspravi je učestvovao Irfan Čengić.

Sa 52 glasa za, sedam glasova protiv i uz 12 uzdržanih glasova, usvojen je Prijedlog Zakona o izmjenama Zakona o izvršavanju Budžeta FBiH za 2021. godinu.

3. Prijedlog Zakona o izmjenama Zakona o visini stope zatezne kamate na javne prihode - skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH obrazloženje je dala Jelka Milićević.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 59 glasova za, bez glasova protiv i sedam uzdržanih glasova usvojeno.

U raspravi niko nije učestvovao.

Sa 61 glasom za, bez glasova protiv i uz jedan uzdržani glas, usvojen je Prijedlog Zakona o izmjenama Zakona o visini stope zatezne kamate na javne prihode

Irfan Čengić predložio je zaključak u vezi ove tačke dnevnog reda koji nije usvojen (Zadužuje se Vlada FBiH da prije raspodjele sredstava jedinicama lokalne samouprave obavi konsultacije sa Komisijom za lokalnu samoupravu) – 25 glasova za, jedan glas protiv i 34 uzdržana glasa.

4. Prijedlog Zakona o izmjenama Zakona o poljoprivredi - skraćeni postupak

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Vlade FBiH obrazloženje je dao Nijaz Brković pomoćnik u Federalnom ministarstvu poljoprivrede, vodoprivrede i šumarstva.

Ispred Odbora obrazlagao je Ahmed Džubur.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 54 glasa za, bez glasova protiv i šest uzdržanih glasova usvojeno.

U raspravi niko nije učestvovao.

Sa 59 glasova za, bez glasova protiv i uz pet uzdržanih glasova, usvojen je Prijedlog Zakona o izmjenama Zakona o poljoprivredi.

5. Prijedlog Zakona o izmjeni i dopuni Zakona o novčanim podrškama u poljoprivredi i ruralnom razvoju, predlagači Sanela Klarić i Vibor Handžić - skraćeni postupak

Prijedlog Zakona utvrdili su Sanela Klarić i Vibor Handžić.

Vlada FBiH dala je mišljenje na ovaj Prijedlog Zakona.

Sanela Klarić dodatno je obrazložila Prijedlog Zakona.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne hoće li će se razmatrati po skraćenom postupku, a što je sa 32 glasa za, bez glasova protiv i 38 uzdržanih glasova nije usvojeno, te će se razmatrati u formi Nacrta.

U raspravi je učestvovao Ahmed Džubur.

Sa 61 glasom za, jednim glasom protiv i uz šest uzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o izmjeni i dopuni Zakona o novčanim podrškama u poljoprivredi i ruralnom razvoju, te smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznijete u raspravi kao i one koje su dostavljene ili će biti dostavljene u pisanom obliku.

6. Prijedlog Zakona o kontroli i ograničenoj upotrebi duhana, duhanskih proizvoda i ostalih proizvoda za pušenje,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Nacrt ovog Zakona usvojen je na 19. redovnoj sjednici Predstavničkog doma 14.03.2017. godine.

Ispred Vlade FBiH obrazloženje je dala Snježana Bodnaruk.

Domu se obratila i doktorica Aida Ramić.

Ispred Odbora za zdravstvo obrazlagao je Mirsad Kacila.

Ispred Zakonodavno-pravne komisije obrazlagao je Albin Muslić.

U raspravi su učestvovali: Sanela Prašović-Gadžo, Salmir Kaplan, Elma Đogić, Zijat Mušić, Zlatko Ercegović, Mara Đukić, Irfan Čengić, Adin Huremović, Salko Zildžić, Dževad Adžem, Tašo Dacić i Sabina Ćudić.

Pauza do 19.10.

Nakon pauze, nastavljena je rasprava u kojoj su učestvovali: Husein Rošić, Mujo Hasić, Irfan Čengić, Kenela Zuko i Snježana Bodnaruk.

Vlada FBiH predložila je amandman u skladu s mišljenjem Zakonodavno-pravne komisije koji je postao sastavni dio Prijedloga Zakona

Amandman: u članu 45. riječi iza zarez a koje glase: „ a počinje se primjenjivati od 01.01.2019. godine“., zamjenjuju se riječima: „ a počinje se primjenjivati šest mjeseci od dana stupanja na snagu.“

Zastupnici Salmir Kaplan i Irfan Čengić predložili su sedam amandmana. Zastupnici su se izjašnjavali o amandmanu I., i IV.

Amandman I., zastupnika Salmira Kaplana i Irfana Čengića, koji se odnosi na član 2. stav 1. tačku 9., nije usvojen (39 glasova za, osam glasova protiv i 21 uzdržani glas).

Amandman IV. Zastupnika Salmira Kaplana i Irfana Čengića, koji se odnosi na član 7. nije usvojen (38 za, sedam protiv i 21 uzdržani glas).

Sa 63 glasa za, tri glasa protiv i uz dva uzdržana glasa usvojen je Prijedlog Zakona o kontroli i ograničenoj upotrebi duhana, duhanskih proizvoda i ostalih proizvoda za pušenje.

7. Nacrt Zakona o ustanovama socijalne zaštite Federacije BiH,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Vesko Drljača.

U raspravi su učestvovali: Mira Grgić, Elma Đogić, Kenela Zuko, Mirsad Pindžo.

Sa 59 glasova za, bez glasova protiv i bez uzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o ustanovama socijalne zaštite Federacije BiH, te smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve primjedbe, prijedloge i sugestije iznijete u raspravi kao i one koje su dostavljene ili će biti dostavljene u pisanom obliku.

Elma Đogić predložila je dva zaključka. Zastupnici su se izjašnjavali o prvom zaključku a drugi zaključak zastupnica je povukla.

Sa 54 glasa za, bez glasova protiv i uz jedan uzdržani glas, usvojen je sljedeći:

ZAKLJUČAK

Zadužuje se Federalno ministarstvo rada i socijalne politike da izvrši provjere dugovanja po osnovu naknada za smještaj u ustanovama socijalne zaštite na području FBiH od strane kantonalnih vlada, te da sačini informaciju o tome za Predstavnički dom Parlamenta FBiH.

8. Prijedlog Odluke o prihvatanju zaduženja po Sporazumu o finansiranju između BiH i Međunarodnog fonda za poljoprivredni razvoj (IFAD) za realizaciju projekta razvoja ruralnih preduzeća i poljoprivrede

Prijedlog Odluke utvrdila je Vlada FBiH.

Prijedlog Odluke razmatrala su nadležna radna tijela i dostavila izvještaje.

Ispred Odbora obrazlagao je Ahmed Džubur.

U raspravi je učestvovala Sanela Klarić.

Sa 64 glasa za, bez glasova protiv i bez uzdržanih glasova, Predstavnički dom donio je Odluku o prihvatanju zaduženja po Sporazumu o finansiranju između BiH i Međunarodnog fonda za poljoprivredni razvoj (IFAD) za realizaciju projekta razvoja ruralnih preduzeća i poljoprivrede.

Sanela Klarić predložila je zaključak u vezi ove tačke dnevnog reda koji nije usvojen – pojačana promocija Međunarodnog fonda za poljoprivredu i razvoj (IFAD) u cilju motivisanja svih lokalnih samouprava u FBiH da apliciraju na najboljim projektnim prijedlozima; Uvođenje edukativnih sadržaja za aplikante s obzirom na to da jedinice lokalne samouprave nemaju jednake ljudske i logističke kapacitete; Unapređenje sistema kontrole utoška sredstava iz IFAD projekta kroz obavezno godišnje izvještavanje Predstavničkog doma Parlamenta FBiH, (40 za, bez glasova protiv i 16 uzdržanih glasova).

9. Izvještaj o radu Federalnog zavoda za zapošljavanje za 2020. godinu,

Izvještaj je dostavila Vlada FBiH.

Izveštaj su razmatrala nadležna radna tijela i dostavila izvještaje.

U raspravi su učestvovali: Lana Prić i Jasmina Zubić.

Sa 50 glasova za, četiri glasa protiv i uz sedam uzdržanih glasova, Predstavnički dom Parlamenta FBiH zaključkom je prihvatio Izveštaj o radu Federalnog zavoda za zapošljavanje za 2020. godinu.

Izvršena je prozivka prisutnosti zastupnika na sjednici i konstatirano da sjednici prisustvuje 62 zastupnika.

10. Izveštaj o izvršenju Budžeta Federacije BiH za 2020. godinu,

Izveštaj je dostavila Vlada FBiH.

Izveštaj su razmatrala nadležna radna tijela i dostavila izvještaje.

Dodatno obrazloženje dao je premijer Novalić.

Na osnovu pojedinačnog izjašnjavanja, nije usvojen Izveštaj o izvršenju Budžeta Federacije BiH za 2020. godinu, (42 glasa za, 16 protiv i pet uzdržanih glasova).

11. Izveštaj Federalnog ministarstva prometa i komunikacija o realizaciji Strategije prometa Federacije BiH i provedbi Zakona o cestama u Federaciji BiH,

U skladu sa zaključcima Predstavničkog doma Parlamenta FBiH od 21.11.2019. godine Vlada je dostavila Izveštaj Federalnog ministarstva prometa i komunikacija o realizaciji Strategije prometa Federacije BiH i provedbi Zakona o cestama u Federaciji BiH.

Izveštaj su razmatrala nadležna radna tijela i dostavila izvještaje.

U raspravi su učestvovali: Tahir Nuhić, Marijan Klaić, Damir Mašić.

Zastupnici su se izjašnjavali o zaključku, da se rasprava odgodi za slijedeću sjednicu i da se održi uz prisustvo ministra, što pojedinačnim izjašnjavanjem nije usvojeno (45 za, 13 glasova protiv i jedan uzdržani glas).

Nastavljena je rasprava u kojoj su učestvovali: Albin Muslić, Nasiha Pozder i Marijan Klaić.

Predstavnički dom nije prihvatio Izveštaj Federalnog ministarstva prometa i komunikacija o realizaciji Strategije prometa Federacije BiH i provedbi Zakona o cestama u Federaciji BiH (31 glas za, 14 glasova protiv i šest uzdržanih glasova).

12. Informacija o vanjskom i unutrašnjem dugu u Federaciji BiH na dan 31.12.2020. godine,

Informaciju je dostavila Vlada FBiH.

Informaciju su razmatrala nadležna radna tijela i dostavila izvještaje.

Ispred Vlade FBiH dodatno obrazloženje dala je Jelka Milićević.

U raspravi su učestvovali: Jasmina Zubić i ministrica Milićević.

Predstavnički dom primio je k znanju Informaciju o vanjskom i unutrašnjem dugu u Federaciji BiH na dan 31.12.2020. godine.

13. Prijedlog Zaključka vezano za otvaranje ukinutih graničnih prijelaza prema RH, predlagač Nihad Čolpa

Zastupnik Nihad Čolpa dao je dodatno obrazloženje.
U raspravi je učestvovala Elma Đogić.
Sa 52 glasa za, bez glasova protiv i uz tri uzdržana glasa, usvojen je sljedeći:

ZAKLJUČAK

Parlament FBiH poziva Vijeće ministara Bosne i Hercegovine da hitno poduzme sve potrebne aktivnosti u cilju ponovnog otvaranja ukinutih graničnih prijelaza za tranzitni promet teretnih vozila kroz Republiku Hrvatsku.

14. Prijedlog Zaključka prema Vladi FBiH za dostavljanje u parlamentarnu proceduru Prijedloga Zakona o izmjenama i dopunama Zakona o zdravstvenoj zaštiti Federacije BiH, predlagač: Jasmina Zubić

Zastupnica Jasmina Zubić dala je dodatno obrazloženje.
U raspravi je učestvovala Amela Kuskunović.
Predložen je Zaključak – Zadužuje se Vlada FBiH i nadležna ministarstvo da u roku od 60 dana donesu Pravilnik o pripravničkom stažu i Stručnom ispitu zdravstvenih saradnika, kao i Plan i Program pripravničkog staža za konkretna zanimanja a koji nije usvojen (32 glasa za, bez glasova protiv i 20 uzdržanih glasova).

15. Izbor i imenovanja - Nije bilo materijala za raspravu

Predsjedavajući je zaključio 22. redovnu sjednicu u 22.15.

Transkript i prijepis transkripta sjednice čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Mirsad Zaimović